

Z. b.
6473





HEROICUM

IN FUNERE

DOMINI

JOHANNIS CHRISTO-
PHORI HEROLDI,

JC^{TI} ET CONSILIARII FAMIGE-
RATISSIMI

ELOGIUM,

DECANTATUM

A
GYMNASIO HALLENSI.

HALÆ,
LITERIS SALFELDIANIS.



Heroico Præconi

Funebre parandum præconium.
Huic non præfica præficienda Romana,
Sed Romana Fama,
Tot linguis, quot pennis, nobilis;
Quæ dum clamat,
Illorum amat post fata referre facta,
Qui viventes ita usurparunt vitam,
Ut morientes illam non amiserint.

Naturæ Autor

Cum elocasset HEROLDO magna Naturæ munera,
Hic in eo omnem locavit operam,
Ut ea aliquando fœneratori suo
In funere redderet cum fœnore,
Nulla hinc ætas ejus absque negotio,
Dum otium ipsi est odium.

Juvenis ergo

Indolis aurum ita permutavit scientiis,
Ut retineret pretio auctum,
Quod pro illis pretium dederat,
Mirus rerum in permutando
Venditor simul & emtor,
Hinc divite ingenii gazâ auctus,
Jam Vir

Non exterorum devorus Votis,
Sed patriæ vivere voluit,
Eique servire, ut servaret eam.
In illius foro dum judex sententias fatur,
Justitia in illo visa est fari,
Cui diu cœcæ ipse aperuit oculos,
Fibris oculorum libris erudiis discussis,

In Curiâ dum falces Consul administrat,
Nullus de in curiâ in Republ. fuit conquestus,
Principum Consiliarius cum consulit in Statuum
Consilio,

Semper ut princeps in consulendo laudatus est.

Sic Iustitia civibus,

Sapientiâ & prudentiâ Conciliis,

Præfuit simul & profuit.

Verum & Ecclesiæ pietate adfuit,

* Vitricus illius,

Non ingenio injustæ novercæ,

Sed indole optimi & fidi Patris,

Qui verò Ecclesiæ adfuit,

Non potuit deesse Scholæ;

Cui non solum Consilio, sed auxilio quoque fuit

Præsentissimus,

Liberalissimo donato Gymnasio Hallensi stipendio

Ut post primum OELHAFIUM,

HEROLDUS nunc sit secundus,

Verè secundus Gymnasiai alumnis per adversa eversis.

Sic igitur vixit DEO,

Sic & vixit Proximo;

Vt nec temerè quicquam fecerit, nec timide,

Sed sibi quoque ut viveret,

Arque in seipso suas experiretur virtutes,

Crebram fortuna præbuit occasionem.

Nam de Fortunâ illius quærenti, respondendum:

Humana fuit,

Et felix, & fallax,

Et orbe in utramque partem volubili dubia,

Uti temper attingua est infelicitati felicitas,

Prospera illa fuit,

Magnis honoribus,

Conjugio incomparabili,

Animorum concordia,

Anorum multitudine,

Prole elegantissima.

Aspera illa fuit

Modis & multis, & variis,

Imprimis tristissimo ædium & bonorum incendio,

Et liberorum, propra morte a mundo liberorum, tunicibus,

At, ut felicia & prospera

Animum humilem & humanum

In fastum & superbiam attollere non potuerunt;

Sic

* V. famigeratissimi Schurzleischii Dissertat. de Vitricis Ecclesiæ.

Sic infelicia & aspera
 Animo patientia fortissimo
 Fortitudinis constantiam non potuerunt extorquere.
 Sic cum immoderatam fer felicitatem
 Ferret moderatè ;
 Et Fortunæ intolerabilia
 Fortissimè toleraret,
 Ut nec flecteretur secundis,
 Nec frangeretur aduersis,
 Tandem factum,
 Ut de utrâque fortunâ triumphans
 Mundo egressus fuerit,
 Corpus humili tumulo conclusum,
 Fama concludi nescia per mundum avolavit;
 Anima digna cœlo,
 Recepta cœlo,
 Non obiit , sed abiit,
 Separatorum expectans Unionem,
 Quem proinde Mundus dimisit senem;
 Illum receptum Cœlum mittet in iuventutem;
 Nunquam senectute corrumpendam,
 Beata enim æternitas
 Et finem nescit , nec scit corruptionem,
 Est enim ipsa
 Et incorruptibilis, & infinita.

Promissionem , quam Domino Patrono id roganti , septimo ante beatam mortem die lecto ejus assidens , fecit , ut exsolveret , hoc debitum memoriæ virtutum officium exhibere voluit Gymnasii nomine

JOHANNES PRÆTORIUS ; Quedlinb.
 GYMNASII. RECTOR.



ULB Halle

003 774 325



3





HEROICUM

IN FUNERE

DOMINI

JOHANNIS CHRISTOPHORI HEROLDI,

RECTI ET CONSILIARII FAMIGERATISSIMI

ELOGIUM,

DECANTATUM

A

GYMNASIO HALLENSI.

HALÆ,
LITERIS SALFELDIANIS.

